

Di Franza, da' Lion, di l' orator. Come il re si partirà per Andegavia, poi Paris. Et, zereha la trieva, parole; *tamen* si trata. Varia intelligentia, *ut patet in litteris etc.* molto longe, et assa' cosse; *adeo* nostri si dubita.

Di Roma, di l' orator, di Come il signor Prospero Colonna era venuto li, per visitar uno di oratori di Castiglia, zoè don Henricho di Toledo, fradello dil ducha di Alva, dal qual ave grande honor quando fo in Spagna. *Item*, che il papa in concistorio havia ditto, dolendosi di la Signoria, voler cometer al cardinal Corner, che vien al suo vescoado a Verona, e farlo legato, che la Signoria dava recapito ai soi rebelli di Bologna, et di altro; et che il signor Bortolo dia vegnir a lozar in Romagna, et non sa a che, usando grande parole *etc.* *Item*, che il vescovo di Bergamo stava mejo; et il vescovo Dolze, qual fo acusado al papa di aver tolto le decime dil clero over papal assa', par sia stato dil papa et non sarà nulla; con altre parole et avisi, *ut in litteris.*

Fu posto, per li savij, scriver a l' orator in Franza, debbi star vigilante zereha quello si sospeta, e dir al re di la bona volontà nostra *etc.*, *ut in ea.*

Fu posto, per li savij, scriver a l' orator a Roma, digi al papa, che non demo recapito a soi rebelli; ma il stado nostro è grande, e non sapemo; e semo obsequentissimi fioli di soa santità, con altre parole, *ut in ea.*

Di Hongaria, di Vincenzo Guidoto, secretario. Come quel Bot Andreas si adatarà col re, al qual il re à mandato do soi principali per acordar le cosse. *Item*, che quel vayvoda transalpino, che fu fato per il turco, à mandato a dir al re, vol esser bon christiano e aidar la fede; e ben che il turcho l' habi posto a quel stato, *tamen* vol esser amico di soa maestà e di la fede. *Item*, di discordie di quelli dil regno di Polana et il duca di Lituania *etc.*, *ut in litteris*, con altri avisi e nove di quelle parte.

A dì 26. La matina se intese, la nave rata di Alexandria esser sora porto, su la qual è colli . . . di specie, il resto zenere, e le galie vien charge colli 1100 et più. E disse il precio dil pagar di le specie, *ut in litteris mercatorum.*

Da poi disnar fo pregadi; et fo per far li provedadori in le terre aquistade. Nè fo leto alcuna letera, *solum* fu posto una parte, per li savij, di far le mostre di le zente d' arme, disarmate a di 10 avosto, dove parerà al colegio, et quelli capetanij di le terre parerà al colegio; et fu presa. Et di far colateral non fu parlato, *licet* molti erano qui venuti per metersi a la pruova nel consejo di pregadi.

Fu fato eletiom di do provedadori, uno a Fiume et l' altro a Pesim, per uno anno, con ducati . . . al mexe neti, et castelan e provedador a Duim, con ducati . . . al mexe netti, in luogo di sier Nicolò Balbi, havia refudado. Et rimase, come si vederà qui sotto in li scurtinij.

Electo provedador a Fiume.

- Sier Hironimo Moro, fo 40 zivil, *quondam* sier Lunardo.
- Sier Marco Gradenigo, fo sopracomito, *quondam* sier Justo.
- Sier Piero Arimondo, fo podestà a Pyram, *quondam* sier Nicolò.
- Sier Nicolò Balbi, fo provedador a Brisigele, *quondam* sier Marcho.
- Sier Zuan Francesco Badoer, el 40, *quondam* sier Ruberto.
- Sier Vincenzo Pixani, el 40, *quondam* sier Antonio.
- Sier Anzolo Marzello, el cao di 40, *quondam* sier Lorenzo.
- Sier Sebastiam Balbi, el cao di 40, *quondam* sier Giacomo.
- Sier Alvise Contarini, el cao di 40, *quondam* sier Galeazo.
- † Sier Hironimo Querini, fo di pregadi, *quondam* sier Andrea, da Santo Anzolo.
- Sier Zacharia Valaresso, fo conte in Arbe, *quondam* sier Zuane.
- Sier Alvixe Balfo, fo cao di 40, *quondam* sier Maphio.
- Sier Secondo da cha' da Pexaro, fo consolo di merchadanti, *quondam* sier Nicolò.
- Sier Alvixe da Mosto, fo cao di 40, *quondam* sier Francesco.
- Sier Zuam Lion, el 40, *quondam* sier Francesco.
- Sier Giacomo Boldù, fo cao di 40, de sier Hironimo.
- Sier Bernardo Marzello, fo podestà a Parenzo, *quondam* sier Zuaune.
- Sier Zorzi Simitecolo, fo sopracomito, *quondam* sier Zuaune.
- Sier Marco Donado, el 40, *quondam* sier Matio.
- Sier Francesco Barbaro, fo podestà e capitano a Zazil, *quondam* sier Antonio.
- Sier Domenego Gritti, fo cao di 40, *quondam* sier Francesco.
- Sier Sabastiam Zen, fo cataver, *quondam* sier Francesco.